

ქვირა, 12 მარტი 1917 წ.

რედაქციის ადრესი:
თფილისი, თლბას ქუჩა, № 6.

№ 15 კვ. №

საქართველო

№ 11

1917

შინაარსი. უკანასკნელი; — ეშმაკი. ბიურაჯრატ მთავრისად — შორიელი. ტრაური. გაზაფხული — ბლოკად. ეშველათ — ისტორიკოსი. ქვეყანა ხარობს — კოლო. ახალი

პოეზიის ნიმუში — შექანჯალეული. მიმოხილვა. პოლიტიკური დღიური. კარისკატუმი — სასახლე. მიტინგი. მთავრობაძე. შინის-ტრთა სსლომა.



სასახლის მიღამოს ბნელოდა.
სინათლეს არაეინ ელოდა.
მაგრამ შა, იფეთქა რისხვითა

(თებერელის) თცდაშვიდს რიცხვითა
და იგი სსახლე ტანჯვისა
შყის გროვა შვიქენა ნაჯვისა.

Handwritten notes in red ink:
Top right: *მთავრობის განცხადება*
Middle right: *მთავრობის განცხადება*
Bottom right: *მთავრობის განცხადება*

უკანასკნელი

ჩვენებს ცაზე ლხინი ჰქონდათ, ლხინი ქვეყნის გასაკვირი.
 ელვის ერთო ჩირაღდნება, მების სცემდა ბუკ-საყვირი
 და მრისხანე ზეცის პირთან მიწის გულის შემავრთი
 მისთა ბედკრულ ბინადართა მხოლოდ კვენესა იყო ერთი

შავის ღრუბლით შემოსულრა მან ლაფვარდი ცისა არე
 მან მზის სხივი დაატყვევა, მან მოსტაცა ბადრი მთვარე
 და ცოდვებით განალალი შავი ზეცის პირ-ქუშ ველზე
 შავის ფრთებით ქანაობდა შავ ღრუბელთა სარეცელზე..

ცოფიანი ქარიშხალი ღრღნიდა კლდეებს, ჰგლეჯდა მუხებს,
 მრისხანე ხმას უერთებდა მებს, ღრუბლებში დანაქუხებს
 და ჰაოსით შეიცვალა ჯოჯოხეთად შენამოსი
 სიმშვენე და ჰარმონია ქვეყნის ამა მიდამოსი.

ვინც იხილა ეგ ზეიმი, ვინაც ნახა ეგ მეჯლიში
 სთქვა:—ეშმაკთა ბატონობას აღარა აქვს ზეცის შიში.
 იქ, უფსკრულში, სანთლის შუქი ეგრე ობლათ დაბარბაცებს.
 ამირანი აწ არსად სჩანს ზეცას ცეცხლს ვინ გამოსტაცებს?

და ჰა, აღსდგა ამირანი, ზეცის რისხვას არ უყურა...
 მაღლიანი, მძვლავრი ხელით გააღვივა იმან ქურა.
 აღი მოსკდა, გაარღვია მან შავ-ბნელი რიდე ცისა
 და კვლავ მოხვდა დედა მიწას სასიცოცხლო სხივი მზისა.

ეშმაკი.

ბიუროკრატ მთავრობაჲ

(ნეკროლოგი)

„27 го февраля въ 12 ночи скоропостижно скончался въ Петроградѣ Г-нъ Мтавро- бадзе“. (კერძო დეპეშა.)

აი, მოულოდნელი ცნობა, რომელმაც ძირ- ბუდიანათ შეაჩუჩა მთელი ჩვენი ცხოვრება.

ბატონებო, ჩვენი საყვარელი, ძვირფასი და დაუფიწყარი ბნი ბიუროკრატ მთავრობაჲ აღარ გვყავს! ის უეცრად გარდაიცვალა ქალაქ პეტრო- გრადში 27 თებერვალს, ღამის თორმეტ საათზე.

ჩვენში ეგ სამწუხარო ცნობა 28 თებერვალს მოვიდა ზემო აღნიშნულ რუსული დეპეშის სახით და აუწყერელს მწუხარებაში ჩაგვავდა. ელვის უმა- ლეს მოედო თფილისს გულის ამაჩუყებელი ცნობა და ათიოდ წუთის შემდეგ ყველას პირზე ბიუროკ- რატ მთავრობადის ნეტარსენებელი სახელი ეკერა.

— გაიგე კაცო?

— რა ამბავია?

— როგორ თუ რა ამბავია, მთავრობაჲ მო- მკვლარა.

— ნუ თუ? უი საწყალო!

გაისმოდა ყოველი მხრივ და ხალხი მწარე ცრემლით იმდღურებოდა. ასე კარგია, პატივცე- მულნო მკითხველნო, ვინაც სიცოცხლეში კეთილ თესლსა სთესავს. მას სიკვდილის შემდეგ სიყვარუ- ლის ცრემლით მორწყავენ და დიდების სხივით შე- მოსავენ.

მართლაც ვინ დააფასებს, თუნდაც დაახლოე- ბით ვინ გაზომავს იმ დეაწლს, რომელიც ჩვენს წინაშე მიუძღვის ახლად გარდაცვალებულ ბ- ნ ბიუროკრატ მთავრობაჲს?

რასაკვირველია ვერავინ.

ვინ გაასწორებს ჩვენს წერილებს, პატივცემუ- ლო მკითხველო და ვინ ამოჩხრეკს იქიდან საქირო აზრებს, თუ არ ბნი მთავრობაჲ?

ვინ გაუწევს მცველობას ჩვენს ძმებსა, მამებ- სა და შვილებს ციხეებსა და საპურობილებში? თუ არ დაუღალავი ჩვენი მთავრობაჲ?

ვინ მოგვიწყობს უფასო ექსკურსიებს ჩვენი

ქვეყნიდან შორეული ციმბირისაკენ თუ არ იგივე ბიუროკრატ მთავრობაჲ?

ვინ შეუწყობს ხელს წვირილმან და მსხვილმან მოხელეებს ჯამაგირს გარდა ცოტა გამოსარჩენიც იქონიონ, თუ არ განსვენებული მთავრობაჲ?

ვინ შეაგნებინებს სხვა და სხვა ეროვნებებს რომ მათ უნდა სჯამონ ერთმანეთი და ძირი უთხა- რონ მუზობლის კეთილდღეობას, თუ არ ეგრე უდ- როოთ გარდაცვალებული ბ-ნი მთავრობაჲ?

ვინ დაამშვიდებს დამშეუღლსა და ვინ დაამშვეს დამშვიდებულ ხალხს ისე, როგორც ამას იქმოდა ჩვენი სათაყვანებელი ბიუროკრატ მთავრობაჲ?

ვინ დასწავებს და დაბუგავს მოძველებულ და- ბა-ქალაქებს, როგორც ამას ხშირათ შეგებოდა ნე- ტარ სხენებული ბიუროკრატ მთავრობაჲ?

ვინ დახუთავს სასწავლებლებს, სბზოგადოებებს, სახალხო თეატრებსა და უნივერსიტეტებს ისე ხე- ლოვნურათ, როგორც ამას ბ-ნი მთავრობაჲ შეე- ბოდა?

ვინღა დახვრეტს იმდენ გაფიცულ მუშებს და ვინღა ჩამოახრჩობს იმდენ ხალხს, რასაც ბიუროკ- რატ მთავრობადის დაუღალავი ხელი ასდიოდა?

ბატონებო! ჩვენი მწუხარება განუზომელი იქ- ნებოდა რომ ერთი იმედი არ გვასულდგმულებდეს. ვის არ მოესხენება, რომ განსვენებულ ბიუროკრატ მთავრობაჲს დარჩა დიდძალი მემკვიდრეები. ხუ- ლიგან ბიუროკრატის ძე მთავრობაჲ, უფროსი შვილი განსვენებულისა, მამის სიცოცხლეშიაც უღი- დეს იმედებს იძლეოდა. ჩვენ იმედი უნდა ვიქო- ნიოთ, რომ ბ-ნი მთავრობადის ჯერ კიდევ გაუცი- ვებელ გვათან შემოკრებთან მისნი მემკვიდრენი ხულიგან ბიუროკრატის ძე მთავრობადის ხელ მძღვა- ნელობით და შეეცდებიან მამის მემკვიდრეობის აღდგენას.

აი სწორეთ ეს გარემოება აღვიძებს ჩვენში მცირეოდენ იმედს და დარწმუნებული ვართ ყოვე- ლი გონიერი მკითხველი მიიღებს ყოველგვარ ღო- ნისძიებას რათა განსვენებულის მემკვიდრეთ, თუ კი ასეთები გამოჩნდებიან, სრულად მიეწყოს ის, რის ღირსნიც არიან და რაიც ასე საშართლიანად დაიმსახურა ნეტარსენებულმა ბ-ნმა ბიუროკრატ მთავრობაჲ.

მორიელი.

(ქვაკვი)

ბ-ნი ეშმაკი, მორიელი და კოლო; გულ მოკლული ცენსორი ჩვენი, ღრმად დაძწუნსარებული რედაქტორი „ეშმაკის მათრახისა“ და ცრემლ შეუშრობელნი გამომცემელნი მისნი გულითადის ძწუნსარებით აუწებენ ნათესავთ და ნაცნობთ, რომ უდროთ გარდაიცვალა ზირველის, მეორის და მესამის, ნათლია, მეოთხის მამა კეთილი, მესუთის „მფარველი“ შეექსისა და მეშვიდის ჭირისუფალი.

ბიუროკრატ დესპოტიზმი მთავრობაში


ზანაშვიდები ყოველ დღე ჟურნალის რედაქციაში. დაკრძალვის დღე ცალკე იქნება გამოსცხადებული. მიიღება სამკლოვიარო ლექსები და წერილები.

გ ა ზ ა ფ ხ უ ლ ი

სულთ მობრძავია ზამთარი,
 ადრე დღე დაებინდება.
 გაზაფხულს პირი მოუჩანს,—
 მადლი მის გამჩენს, დიდება.
 ჩრდილოს დაჰქროლა ნიაემა,
 სიცოცხლე აღარ ყინდება
 და ჩატკილ ხმა ბულბულეზას
 სამხრეთი ბანით ჰპირდება.

გული დაჰფერა სიამემ
 ენგი მას არ ეკიდება;
 ვხედავ იღვიძებს ბუნება
 სიკვდილი აღარ მინდება.
 თუმც ვაცრცენილ ამა სიცოცხლეს
 ეს წამლად არ ეხიდება
 და წუთიერი სიამე
 მთელ შვებად არ იყიდება,
 მარა რა ვქნა, რომ ოცნება
 ზოგ-ზოგჯერ ამიხირდება,—
 რომ ერთი მერცხლის ქიკიკი
 მე მთელ გაზაფხულს მპირდება
 და ამ ოცნებით გულის თქმა
 გამი ქვა-ქაჭკლდე-კირდება.

ა. ბლიკვაძე.



ე შ ვ ე ლ ა თ

(ისტორიული სპრავკა)

გაზეთ „სახალხო ფურკლის“ მე 812 ნომრის
 მეთაურ წერილში სწორეთ აი ეს სიტყვები
 სწერია:

„ამსანაკებო!*) დაიდა დრო დაგვიდგა, არა-
 ჩვეულებრივი მდგომარეობა შეიქმნა. ძველი

*) ძველი ფედერალისტები ამ სიტყვას სასაცილოდ
 იგდებდენ და ხმარობდენ სიტყვა „მეგობარს“.

მთავრობა უუფლებობისა, ჩავგრისა და შტარ-
 ვალბოსა ძიარს დაეცა. ჩვენ აქამდე ჯურ-
 ღმულეზში მიმალულეზს, დევნილებს;
 ჩვენ, რომელთაც სულს გვიხუთავდა ძვე-
 ლი რეჟიმი და საშუალებას არ გვქონდა სმის
 ამოღებისა დღეს დაგვიდგა დრო მზის სა-
 ნათლევზე ამოხველისა“.

ღრმა ტრადიციული სიტყვებია და საჭიროთ
 მიმართა მათი მნიშვნელობა ჩვენი მკითხველისათვი-
 საც გაეხადო ხელ-მისაწვდომი.

„ჯურღმულეზს“ რომლებშიაც მართლაც ხში-
 რად უხდებოდა სოც. ფედერალისტებს ყოფნა, ჩვე-
 ულებრივ ქართულ ენაზე „ღვინის სარდაფებს“
 ეძახიან. ეს დაწესებულება მართლაც კარგა ღრმით
 არის მიწაში მოთავსებული, საკმარისად ბნელი და
 ცივია. ასეთ „ჯურღმულეზში“ ერთი მხრით აწყვია
 უზარ-მაზარი ბოქკები და რუმბები ღვინით. იქვე
 ახლოს არის დაზგა, რომელზედაც აწყვია მრავალ-
 გვარი საშიხო სანოვანე: ბატენის ბარკლები, შემწ-
 ვარი გოჭი, სუკი, ბასტურამის სამწვადე, მოხარშუ-
 ლი და შემწვარი თევზეულობა, შემწვარი ინდოუ-
 რი, მრგვალად მოხარშული ქათმები, მწვანილეუ-
 ლობა და სხვა და სხვა.

ასეთი ჯურღმული უმეტეს ნაწილათ ბნელი
 და ქუქუყანია, მაგრამ თავისუფლებაც შედარებით
 მეტია იქ, ვიდრე ზევით, მზის გულსა და სინათ-
 ლეზე. ფედერალისტები იქ ყოველთვის ფხიზელნი
 და ჯანსაღნი ჩადიოდენ, მაგრამ იქიდან ზედმეტი
 შრომისაგან მოქანცულნი და დარტყანიებულნი
 ბრუნდებოდენ. სულს ვერ წავიწყემენდ, უნდა ვსთქვა
 რომ ეს ერთად ერთი ალაგი იყო, სადაც ფედერა-
 ლისტები ხშირ-ხშირად იგონებდენ სამშობლოს და
 ასე წარმოიდგინეთ თავისუფლებისათვის ბებრძო-
 ლთაც.

როდესაც „ჯურღმულეზებიდან“ დაბრუნებული
 ფედერალისტები გზა და გზა გამვლელთა ცხვირ-
 მის სწორებას შეუდგებოდნენ ხოლმე, ძველი დეს-
 პოტიური პოლიცია მათ მთვრალეზად სთვლიდა
 და სდევნიდა. შეუენებელმა პოლიციამ რა იცოდა,
 თუ საქმე „ჯურღმულიდან“ დაბრუნებულ და საქ-
 ვეყნო საქმით მოქანცულ სოციალისტებთან ჰქონ-
 დე?.. ალბათ სწორეთ ამ გარემოებით აიხსნება მე-
 თაურში ნახმარი სიტყვა „დევნილი“ ახლა დროე-

ბა იცვალა. ძველი მთავრობა დაეცა და ფედერა-
ლისტიებიც თავისუფლად ამოდინ მზის სინათლეზე.
აშკარა პოლიციელთა მოხსნა უდიდეს რეფორმად
უნდა ჩაითვალოს აღნიშნულ პარტიისათვის, ვინაი-

დან „ჯურღმულებიდან“ მზის სინათლეზე ამოსულთ
და სახლისაკენ ბარბაცით მიმავალთ ხელს არაფერ
ახლებს.

ისტორიკოსი.

ქვეყანა ხარობს

(ინტერვიუ)

ქვეყანა ხარობს. ეშმაკს ცხვირი ჩამოუშვია.
მიველ და ვკითხე:

— რა ამბავი მოხდა, ბიძია,
რომ ამ სახალხო დღესასწაულს გამოქცევიხარ
და აქ მარტოკა, მოწყენილათ და ობლათ ზიხარ?
თითქო მას ჩემი სიხლოვე არც გაუგია...
ისე მომიგო, თავი მაღლა არ აუღია:

— შიში წყეული ჩემს არსებას შემოეპარა...
როს ყველა ჰხარობს, მე მაშინაც არ გამახარა.
ამბობენ: „მოგვცეს ქართველებსო სიტყვის უფლება“
და მე კი ჩვენში მოქალაქე მცირ მეგულვება,
რომ ნება მისცე ლაპარაკის განუხაზღვრელი
და იმან შემდეგ რამე საქმეს მოჰკიდოს ხელი.

კოლა

(წითელი ხელნაწილი)

მიმოხილვა

(ყურნალ გაზეთებიდან)

„ციხე ზიგნიდან გატყდებო“ მართალი ნა-
თქვამია!

ქართველ არტისტების ჩივილმა გული გააწყალა:
„გვიპირს, მშვიდრები ვართ, გვცევა, ჯამაგირები
ცოტა გვეძლევა და იმასაც თავის დროზე ვერ ვი-
ღებთ... დავკენით, ჩამოგხმით!..“


ჩვენც გვჯეროდა და მათი საცოდაობით ვი-
წოდით...

აქ-კი თორმე, ნუ იტყვი, რუსები რომ ამბო-
ბენ *Съ жиру нѣсятся...*


ვანო ბარველს მეტის სიმსუქნისიგან გულზე
ქონი გადაბლანდვია და შიგ ჩაუკლავს თუ რამ
გაანჩდა კეთილშობილური გრძნობანი.

(თეატრი და ცხოვ. №9 იხი. ვანო ბარვე-
ლი * * *

მ ი ტ ი ნ ე ბ ი



- 1** ორატორი. მოქალაქეო! უმთავრესი საქმეა არ აღელდეთ, მშვიდობიანობა დაიცვათ.
- 2** ორატორი. ჩემი პირველი ობოვნა თქვენდამი, მოქალაქეო, ორი სიტყვით გამოითქმის: მეტი სიღინჯე!
- 3** ორატორი. შევიკავოთ და დავიმორჩილოთ მღელვარება: აი რას გირჩევთ მოქალაქეო.
- 4** ორატორი. ძირს მღელვარება, გაუმარჯოს სიღინჯეს! აი ჩემი უმთავრესი ლოზუნგი!
- ბ-ნ მოქალაქეს კი არ ემჩნევა მაინცა და მაინც დიდი მღელვარება.



- 1 მუშა. ნეტა ვინ უნდა იყოს ეგრე საშინლათ რო ყარს ეგ მიცვალეზული?
- 2 მუშა. ეს ჩვენი ძველი ნაცნობი ბ-ნი მთაფრობაძეა.

მ რ თ ი ე ა თ გ ა ნ ი *



სასურსათო საკითხი

შარშან წინ იმერეთში დიდი შიმშილობა იყო და მთავრობამ ხალხს სესხად საშინდი მისცა. ამ კარიკატურაზე გამოხატულია სიუხვე დახმარებისა. მიზეზი კარიკატურის დაქერისა იყო ის პატარა ნიშანი ქულზე, რომელსაც „კაკარდა“ ეწოდება და რაიც ეგრე რიგათ უყვართ ზოგიერთა სოფლის მასწავლებლებს. ცენზურამ კაკარდის წაშლა მოგვთხოვა. ჩვენ ეს არა ვქენით, ვინაიდან სწორეთ კაკარდა იყო მაჩვენებელი მთავრობის მოხელეობისა. სურათი დაიჭირეს.

აქედან პატივცემული მკითხველი მიხვდებათ რა მნიშველობა ჰქონია კაკარდას!

* ამ სათაურით „გუშაქის მათრახში“ დრო და დრო მთავთავებთ იმ სურათებს, რომელიც წინათ ცენზურისაგან აკრძალული იყო.

მოდი შენა და დაიჯერე მაგათი ჩივილი!
ან იქნებ ეს პროვოკაცია იყოს?!

ეს უფრო დასაჯერია!

ვანო ბარველს სიმსუქნისაგან შეიძლება გულზე კი არა, ტვინზედაც გადაკრული ჰქონდეს ქონი, მაგრამ ვასო აბაშიძის ქონი-კი-ვერ წარმოგვიდგენია.

ვასო აბაშიძე მთლად რომ გადაადნო მისი ქონით ერთ რწყილსაც ვერ მოხრავავ, არა თუ გულზე გადასაფარებლათ ეყოს...

ეს წმინდა წყლის პროვოკაციაა!..

საჭიროა ზომების მიღება რომ ბარველმა სხვა დარიგშიაც არ გაუწიოს ამხანაგებს პროვოკაცია..

„ქ-მა მერაბიშვილმა გემნაზის ადმინისტრაციას კინალამ თვალები გამოკაწრა ჩემი შვილი რად ჩასწერეთ მერაბიშვილად და არა მერაბოვათ-ო“ („სახალ. ფურც.“ №803) ჩემი საქმე რომ იყოს ამ ქალბატონს ქუთათურ ექიმ მეფარიანზე დავწერდი ჯვარს... ეს ორნი ერთად მშვენიერ შვილებს აღუზრდიდენ საზოგადოებას!..

ახალი კოეზიის ნიმუში

ზღაპიანი კრუსი

(ძღვნად ფუტურისტებს)

დაქლექდა კრუსი, სამიკვირა ის აზის კვერცხებს,
გამოსჩეკს წიწილთ და საბრალო მალე ფეხს გასცხებს,
მოკვდება კრუსი, კრუსი ნაზი და შეთვალწარბა,
მაგრამ... ახ—არა! მან მოლოდინს გადააქარბა:
წიწილებიც ჰყავს, დღესაც სცოცხლობს ლამაზი კრუსი,
და ფეხებზე ეზოს მისი ბნელი რუხრუხი...
გარს-ეხვევიან წიწილები შავ,—ყვითელი,—რუხი...
წიწილებს უხმობს, საკვებს სძებნის სანაგვეს ქექით,
მაგრამ დღეს თუ ხვალ ის მოკვდება ყვითელი ქლექით.
წიწილთა ტრფობამ დააქლექა კრუსი საწყალი,
კვერცხებზე მჯდომი სიცხემ დასწვა, სწყუროდა წყალი,
იგი, ვით დედა შეეწირა ფეხცელქ წიწილებს...
და სანამ სცოცხლობს იმათ მაინც ველარ იცილებს.
მაგრამ სანამდე?! დაეცემა ფრთებ დაღეწილი,
ცხარე ცრემლებით დაიტირებს ყველა წიწილი,
ბრბოს კი, რა ნახავს, აუტყდება მწვანე სიცილი...
მე მოვალ მაშინ და გაკოცებ ტუჩ გატრეცილი...

შექანჯალეზულა.

პოლიტიკური კალენდარი

25 თებერვალი.

პეტროგრადში*) პური აღარ აღმოჩნდა. ამ ნიადაგზე ხალხში მღელვარება დაიწყო.

მთავრობამ, (ძველმა. საუკუნო განსასვენებელი დაუქვიდროს შეუფემ) ჩვეულებისამებრ გულკეთილობა გამოიჩინა და „ცხელი პურის“ მავიერ დამშუელ ხალხს „ცხელი ტყვია“ შესთავაზა. მაგრამ, წარმოიდგინეთ, ხალხი არ დაკმაყოფილდა. მღელვარება გაგრძელდა.

— დეპუტატებმა მიმართეს როძიანკოს შუამდგომლობა აღეძრა მთავრობის წინაშე, რათა იარაღი არ ეხმარათ პოლიციელებს აღლელებული ხალხის წინააღმდეგ, მაგრამ მთავრობამ ცხადია უკეთ იცოდა ხალხს რა მოუხდებოდა, პური, თუ ტყვია. გამოცდილი ჰქონდა.

26 თებერვალი.

მთავრობამ (აწ განსვენებულმა) ჩინებულათ იცოდა—ქართული ანდაზა: „არამკითხე შეამბეო, მისტყებე და მიადგო“.

უმაღლესი ბრძანებით დათხოვნილ იქნა დუმა და სახელმწიფო საბჭო. საკანონმდებლო დაწესებულებათა მუშაობა ამ სესიაში 12 დღე გაგრძელდა.

— სახ. დუმის უხუცესთა საბჭომ დაადგინა არ დაემორჩილოს მეფის განკარგულებას და დუმის მუშაობა არ შესწყვიტოს.

— როძიანკომ დეპეშით მიმართა მეფეს. ამცნო ქალაქში მომხდარი ამბოხება და სთხოვა ხალიკაბინეტის შედგენა მიენდო ხალხის ნდობით აღ-

*) პეტროგრადი ჩვენში (ქ. თფილისში) რესტორანს ეწოდება, მაგრამ იქ, სადაც ეს ამბავი მოხდა, დღეი ქალაქია ორი მილიონი მცხოვრებით.

ჭურვილი პირისათვის. წინააღმდეგ შემთხვევაში ხალხის რისხვის წინაშე პასუხის მეგბელი ვახდებო.

— სახ. დუმაში დეპუტატებს შეუწყვეტელი სხდომა აქეთ. იმუშავენ ზომებს ძველი მთავრობას დასამხოვად და ახალი დროებითი მთავრობის შესადგენათ.

— პეტროგრადის ქუჩებში ბრძოლაა რევოლიუციონერთა და ძველი მთავრობის მომხრეთა შორის. რევოლიუციონერებმა დაანგრეს და ცეცხლს მისცეს საპოლიციო უბნები, სასამართლოს შენობა და სიდიულმო პოლიციის დაწესებულება.

27 თებერვალი.

სახელმწიფო საბჭოს წევრებმა დეპეშა გაუგზავნეს მეფეს და სთხოვეს: გადაეყენებია ძველი სამინისტრო, მოეწვია საკანონმდებლო დაწესებულებანი და ხალხის ნდობით აღჭურვილი პირისათვის მიენდო ახალი სამინისტროს შედგენა. მაგრამ ყოველივე ეს დარჩა „ხმად მალაღადებლისა უდაბნოსა შინა.“

— ღამის 12 საათზე საბოლოოთ შესდგა სახელმწიფო დუმის აღმასრულებელი*) კომიტეტი. კომიტეტში შევიდნენ: როძიანკო, კერენსკი, ჩხეიძე, შულგ ინი, მილიუკოვი, კარაულოვი, კონავალოვი, დმიტრიუკოვი, რევესკი, შიდლოვსკი, ნეკრასოვი და ლვოვი.

— როძიანკომ მოწოდება გამოსცა ჯარისა და ფლოტისადმი, რომლითაც ამცნო მათ სახელმწიფოს წეს-წყობილების განახლება და ძველი მთავრობის დამხოვა.

სიტყვა „დამხოვა“ ისე უნდა გავიგოთ, როგორც გადმოპირქვაება. შეიძლება დამხოვილი ქურჭელი გადმოპრუნდეს, რის წინააღმდეგ საჭიროა განსაკუთრებული ზომები.

*) სიტყვა „აღმასრულებელი“ ჩვენ უნდა გავიგოთ ასე: მოახლოვდა აღმასრული ძველი მთავრობისა და ამ კომიტეტს ბოლო უნდა მოეღო მისთვის.

1 მარტი.

სამწუხაროთ თებერვალს წელს ერთი დღე აკლდა, ამიტომ ერთი დღით ნაკლები ზიანი მიადგა ძველ მთავრობას.

— სახ. ღუმის აღმ. კომიტეტმა და მუშათა დეპუტატების საბჭომ მოწოდება გამოსცეს ხალხისადმი, რომელშიც აღნიშნეს მომხდარი სახელმწიფო გადატრიალების მნიშვნელობა და სთხოვეს დახმარებოდენ რევოლიუციონურ ჯარს.

„სიტყვა „გადატრიალება“ მრავალი მნიშვნელობით შეიძლება იხმაროს კაცმა. ამ შემთხვევაში უკუღმოდან წაღმა შებრუნებას ნიშნავს.

— აღმასრულებელი კომიტეტის დადგენილებით დაინიშნენ განსაკუთრებული კომისიები, რომლებმაც იკისრეს სამინისტროების დროებით მართვა-გამგეობა.

— იუსტიციის სამინისტროს კომისარებმა მაკლაკოვმა და აჯემოვმა, იუსტიციის მინისტრის კერენსკის თანხმობით განკარგულება მოახდინეს: 1) დაუყონებლივ დააბრუნონ და განსაკუთრებული პატივის ცემით მოიყვანონ პეტროგრადში ს. დ. ფრაქციის დასჯილი დეპუტატები 2) ებრაელებს ნება მიეცეთ ვეჭილთა წოდებაში ჩარიცხვის, 3) გაანთავისთფლონ ყველა პოლიტიკური ტუსაღები 4) სომოსმართლო პალატების პროკურორებს აეკრძალოთ პოლიტიკური დანაშაულობისთვის პასუხის გებაში მიცემა.

— დროებითი მთავრობა დაემატრონა პეტროგრადის დეპუშათა სააგენტოს და მისი ხელმძღვანელობა მიანდო სახ. ღუმის წევრს გრონსკის.

— დაატუსაღეს და თავრიდის სასახლეში მიიყვანეს ყოფილი მინისტრთა საბჭოს თავმჯდომარე გორემიკინი, რომელიც საბარგო *) ატომობილით აპირებდა გაპარვას.

*) საბარგო ატომობილით იმიტომ აპირებდა, რომ მთხუც მინისტრს დაიძალი ცოდვები ქქონდა თან წასაღები.

— საფრანგეთისა და ინგლისის ელჩებმა ახალი რევოლიუციონური მთავრობა კანონიერად იცნეს და საქმე დაიჭირეს მასთან.

— აფიცერთა კრებამ მოსკოვში მუშათა დეპუტატების საბჭოსთან ერთად კომიტეტი აირჩია, რომელსაც მიენდო ქალაქში მშვიდობიანობის დაცვა. ჯარებისა და მილიციონერთა უფროსათ დასაერობო გამგეობის თავმჯდომარე პოლკოვნიკი გრუზინოვია. კომიტეტმა დაატუსაღა მოსკოვის ჯარების უფროსი გროზოვსკი, ბუტირის ციხიდან გაანთავისუფლეს ტუსაღები.

— თფილისში ყველა ერთმანეთს ულოცაედა ბ-ნი მთავრობაძის გარდაცვალებას, რომლის შესახებ წინდამით ცნობა მოვიდა.

2 მარტი.

— მეფის რწმუნებულმა ნიკოლოზ ნიკოლოზისძემ დეპეშით სთხოვა მეფეს დათანხმებულიყო რომიანკოს წინადადებაზე და ხალხის ნდობით აღჭურვილი სამინისტრო შეედგინა.

— პეტროგრადში დაატუსაღეს ძველი მთავრობის წარმომადგენელი. დატყვევებული სუხმლინოვი პრაპორშჩიკმა და მესლეაურმა ღუშაში მიიყვანეს. ხალხის და ჯარის მოთხოვნით მას გენერლის პაგონები ააგლიჯეს და ციხეში გაგზავნეს.

— რევოლიუციონურ მთავრობას მორჩილება გამოუცხადა გვარდიელთა პოლკმა, რომელიც ფრონტიდან განგებ გამოიწვია მეფემ რეოლიუციონურ მთავრობასთან შესაბრძოლველათ.

— აღმასრულებელმა კომიტეტმა შეადგინა ახალი მთავრობა. (სამინისტრო). მასში შედიან შემდეგი პირები: გ. ე. ლვოვი, პ. მილიუკოვი, ა. კერენსკი, ნეკრასოვი, კონოვლოვი, მანუილოვი, გუჩკოვი, შინგარიევი, ტერეშჩენკო, გოდნევი და ვ. ლვოვი.

— მოსკოვში დააბატიმრეს პოლიციელები და ძველი მთავრობის მომხრეები. გაიმართა დიდი მანიფესტაციები და სახალხო მიტინგები. არჩეულ იქნა აღმასრულებელი კომიტეტი.

— თფილისის ქალაქის საბჭომ დაადგინა მხარი დაუქიროს ახალ მთავრობას, მოითხოვა პოლიტიკური ამნისტია, სიტყვისა და ბეჭედისა და სხვ. თავისუფლებანი.

— ნიკოლოზ მეორემ მეფობაზე უარი სთქვა და ტახტიდან გადადგა. უარი განაცხადა აგრეთვე შვილის სახლითაც. მეფობა დაუთმო ძმას მიხეილ ალექსანდრესძეს.

— პეტროგრადში დაატუსაღეს ყოფილი შინაგან საქმეთა მინისტრი მაკლაკოვი, პეტროგრადის გარნიზონის კომენდანტი ხაბალოვი, ცნობილი შავრაზმელი ღებროვინი, სახ. საბჭოს თავმჯდომარე შვეგლოვიტოვი, შტიურიმერი, კურლოვი, პროტოპოპოვი, დობროვოლსკი, და სხვები, ვინაც დროიანათ დამალვა ან გაპარვა ვერ მოასწრო.

— ყოფილი მეფისნაცვალი ნიკოლოზ დანიშნა რუსეთი ჯარების მთავარსარდლათ.

— დააბატიმრეს სახალხო განითლების მინისტრი კულჩიკი.

— რუსეთის ყოველი კუთხიდან დეპეშებით აცნობებენ აღმასრულებელ კომიტეტს, რომ ხალხი და ჯარი ახალ მთავრობას სულითა და გულით თანაუგრძნობს და მხარს დაუქერენ შავ ძალებთან ბრძოლაში.

3 მარტი.

— რუსეთის სამეფო ტახტი დიდმთავარს, მიხეილ ალექსანდრესძესაც ემძიმა. მან უარი განაცხადა მეფობაზე, ვიდრე საყოველთაო, პირდაპირი დაფარული არჩევნებით არჩეული სრულიად რუსეთის დამფუძნებელი კრება არ გამოსტყვამს თავისს აზრს რუსეთში მომავალი მართვა-გამგეობის ფორმის შესახებ.

— მინისტრ კერენსკის განკარგულებით რუსეთის რევოლიუციის ბეზის ეკატერინე ბრეშკო-ბრეშკოვსკაიას ნება დართეს კომბირიდან დაბრუნებისა.

— დეპუტატი როდნიკი დანიშნა ფინლიანდის საქმეთა მინისტრათ.

4 მარტი

პეტროგრადში დააბატიმრეს ძველ მინისტრთა საბჭოს თავმჯდომარე გოლიკინი.

— სინოდის ახალმა ობერ პროკურორმა განკარგულება მოახდინა სინოდის სხდომის დარბაზიდან გაეჭანათ მეფის ტახტი, როგორც სამბოლო თვითმპყრობელობისა

— მოსკოვში დიდის აშბით დასაფლავეს რევოლიუციის გმირები: რატნიკოვი, მატკოვი და ურსო.

— იუსტიციის მინისტრის კერენსკის ბძანებით სამინისტროს სადგომი გასწმინდეს ნიკოლოზ მეორისა, მისი მეუღლისა და დიდი მთავრის სურათებისაგან. მოხელეებს ებძანათ არ ატარონ არავითარი ლენტები, ჩინები და ორდენები.

— დააბატიმრეს ციმბირის ამაწიოკებელი ცნობილი გენერალი რენენკამფი და დეპ. გერცენშტინის მკვლელი იურკევიჩი კრასკოვსკი.

— პეტროგრადში გაიმართა სოც. რევოლიუციონერთა კონფერენცია, რომელმაც დაადგინა მხარი დაუქიროს ახალ მთავრობას რეაქციასთან ბრძოლაში.

— გამოვიდა პირველი ნომერი სოციალ-დემოკრატიული გაზეთი „პრავდისი“, რომელსაც სტევს პარტიის ცენტრალური კომიტეტი.

— კერენსკის განკარგულებით საიდუმლო პოლიციისა და აგენტების მთელი არქივი ბურცევს გადასცეს.

— სარდალმა ბრუსილოვმა კიევისა და ოდესის სამხედრო ოლქების ჯარებ. უბძანა ახალ მთავრობას დაემორჩილონ.

— მილიუკოვმა რადიო-დეპეშით აცნობა მთელ ქვეყანას რუსეთის წესყობილების განახლება და ახალი მთავრობის შედგენა.

— საფრანგეთის სოციალისტები მიესალმენ რუსეთის რევოლიუციას.

— თფილისში შესდგა პირველი კრება მეშათა დეპუტატების საბჭოსი. არჩეულ იქნა აღმსრულებელი კომიტეტი. კომიტეტის თავმჯდომარეთ

აირჩიეს ნოე ჟორდანი, ამხანაგებათ, ერაძე და ევსევევი, მდივნათ ხანოიანი და ვ. ჟღენტი

5 მარტი.

საზოგადოებათა და ორგანიზაციების წარმომადგენელთაგან შესდგა საგუბერნიო სასურსათო კომიტეტი, რომელმაც აირჩია პრეზიდიუმი. პრეზ. თავმჯდომარეთ აირჩიეს ნ. ზ. ელიავა იმის ამხანაგებათ კ. შემეტოვი და გ. კაფიევი.

— იუს. მინისტრმა განკარგულება მოახდინა შესწყვიტონ რასპუტინის მოკვლის საქმე. თავად იუსუპოვსა და შთავარს დიმიტრის პავლეს ძეს ეცნობათ, რომ შეუძლიათ დაუბრკოლებლათ დაბრუნდენ პეტროგრადში.

ახალი ობერ-პროკურორის ლეოვის განკარგულებით თანამდებობიდან გადააყენეს მიტროპოლიტეში პიტირიმი და მოსკოვის მაკარი.

— კერენსკიმ გაანთავისუფლა ფინლიანდის სემის თავმჯდომარე სვინხუეული და ბძანება გასცა პატივით მიიყვანონ ის პეტროგრადში.

— დროებითა მრავრობამ გააუქმა საილუმლო პოლიციის განყოფილება და ჟანდარმთა კორპუსი.

— მინისტ. საბჭოს თავმჯდომარემ ბძანება გამოსცა თანამდებობიდან გადააყენონ ყველა გუბერნატორები, ვიცეგუბერნატორები და პოლიცია.

— თფილისის გუბერნიის ჟანდარმთა უფროსი თანამდებობიდან გადადგა და თავისი ხელქვეითი მოსამსახურებიც დაითხოვა.

— ნაძალადევიში გაიმართა დიდი სახალხო მიტინგი, რომელზედაც ადგილობრივი ჯარები აფიცრების თანხლებით დაესწრენ.

ყოველდღიური საზოლიტიკო, საეკონომიო და სალიტერატურო გაზეთი

„ს ნ ქ ნ რ თ ვ ე ლ ო“

ყოველკვირეულ სურათებიან დამატებით ღირს:

მთელის ფლით—15 მან, ნახვადის ფლით—9 მან, საშის თვით—5 მან., ვართის თვით—1 მ. 80 კაპ ფლ. სბით მართი თვით გაზეთის გამოშვება არ იქნება.

წლიურ ხელის მოწერის ფასი შეიძლება ნაწილ-ნაწილად იქნას გარდახდილი შემდეგის წესით. წლიურ მოწერის დროს—7 მან; პირველ მარტისთვის 5 მან და პირველ იანვრისათვის 3 მან. ვისაც წლიურად სურს გაზეთის გაწერა, ეს უნდა მოიხსენიოს პირველსავე ხელის მოწერის დროს. მისამართის გამოცვლისათვის ქალაქგარეთელმა ხელის მოწერმა უნდა წარმოადგინოს 50 კ. ფოსტის მარკა.

რედაქციის მისამართი: თბილისი მოსკოვის ქ. № 4. ანუ ფოსტის ყუთი № 76 (почт. ящикъ № 76)

კანტორა ღიაა: დღით —9-ან— 3 საათამდე, საღამოს—5-ან—7 საათამდე. **რედაქტორი: ს. შანშიაშვილი.** **გამომცემელი: ამხანაგობა „საბაბთველო“.**

ყოველ-კვირეული იუმორისტული გამოცემა

ეშმაკი

მიიღება ხელისმოწერა 1917 წლისათვის

ჟურნალის ფასი: 12 თვით 7 მ. —
 6 თვით 4 მ. — კ.
 3 თვით 2 მ. — კ.
 1 თვით — 70 კ.

ეშმაკის მათრახში დაბეჭდება მხოლოდ იუმორისტული შინაარსის წერილები, ლექსები, მოთხრობები, ზღაპრები, არაკენი, შარადები, გამოცანები, ნაკვეთები და სხვა.

ჟურნალის სამხატვრო და სალიბრეტო მხარეს განაგებს ეშმაკი, ხელმ. გამოცემის ხაზმეს კანტორა „განათლებლა“

რედაქცია სთხოვს როგორც თანამშრომლებს, ისე ხელის მომწერლებს რომ მასალები და ფული ამ ადრესზე: გამოიგზავნონ Тифლისь, С. Р. Таварткиладзе, Ольгинская, 6 поч. ящ. № 96.

„თანამშრომლები“

მიიღება ხელის მოწერა 1917 წლისათვის

გაზეთი ღირს როგორც თფილისში, ისე პროვინციაში მთელი წლით 15 მანეთი, ნახევარი წლით 8 მ. სამი თვით 4 მან. 20 კაპ., ერთი თვით 1 მან. 40 კაპ.

გაზეთის ფასი ხელის მომწერლებმა წინდაწინ უნდა გადაიხადონ, ნისათ არაფის გაეკ სხვნება. ფოსტით ხელის მომწერლებმა ფული შემდეგი ადრესით უნდა გამოგზავნონ: Тифლისь, почтовый ящик № 199, Власію Малакіевичу Бохохадзе.

თფილისის ხელის მომწერლებმა ფული უნდა შეიტანონ კანტორა „განათლებლაში“ ოლღას ქუჩა № 6.